



MALAYSIA

P.U. (A) 315/2008

AKTA MAKANAN 1983

PERATURAN-PERATURAN KAWALAN HASIL TEMBAKAU (PINDAAN) 2008

PADA menjalankan kuasa yang diberikan oleh seksyen 36 Akta Makanan 1983 [Akta 281], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Kawalan Hasil Tembakau (Pindaan) 2008.**

(2) Kecuali peraturan 4, 5 dan 8, Peraturan-Peraturan ini mula berkuat kuasa pada 15 September 2008.

(3) Peraturan 4, 5 dan 8 mula berkuat kuasa pada 1 Januari 2009.

Pindaan peraturan 2

2. Peraturan-Peraturan Kawalan Hasil Tembakau 2004 [P.U. (A) 324/2004], yang disebut “Peraturan-Peraturan ibu” dalam Peraturan-Peraturan ini, dipinda dalam peraturan 2—

(a) dengan memasukkan selepas takrif “institusi pendidikan tinggi” takrif yang berikut:

‘ “karton” ertinya suatu kotak berbentuk segi empat tepat yang mengandungi dua atau lebih paket rokok;’;

(b) dengan memasukkan selepas takrif “pengilang” takrif yang berikut:

‘ “pengimport” ertinya mana-mana orang yang, sama ada sebagai pemunya, pemberi konsain, penerima konsain, ejen atau broker, ada memiliki, atau sebaliknya adalah berhak menjaga atau mengawal, hasil tembakau yang diimport itu;’ dan

(c) dengan memasukkan selepas perkataan “teater” takrif yang berikut:

‘ “tempat latihan khidmat negara” ertinya mana-mana tempat sebagaimana yang ditentukan oleh Majlis Latihan Khidmat Negara melalui pemberitahuan dalam *Warta* di bawah subseksyen 17(1) Akta Latihan Khidmat Negara 2003 [Akta 628];’.

Pindaan peraturan 11

3. Subperaturan 11(1) Peraturan-Peraturan ibu dipinda—

- (a) dalam perenggan (n), dengan memasukkan selepas perkataan “mana-mana” perkataan “kawasan di dalam”;
- (b) dalam perenggan (r), dengan memotong perkataan “atau” di hujung perenggan itu;
- (c) dalam perenggan (s), dengan menggantikan noktah dengan perkataan “; atau”; dan
- (d) dengan memasukkan selepas perenggan (s) perenggan yang berikut:
 - “(t) di mana-mana kawasan di dalam suatu tempat latihan khidmat negara.”.

Pindaan peraturan 15

4. Peraturan-Peraturan ibu dipinda dengan menggantikan peraturan 15 dengan peraturan yang berikut:

“Amaran kesihatan pada bungkusan rokok

15. (1) Maka hendaklah dicetak secara jelas dan mudah kelihatan dalam kedudukan yang ketara suatu amaran kesihatan—

- (a) pada tiap-tiap unit paket rokok yang dibekalkan atau ditawarkan untuk dibekalkan semasa apa-apa perdagangan atau perniagaan—
 - (i) dengan mana-mana set teks dan imej sebagaimana yang ditetapkan dalam Jadual Kelima;

- (ii) dengan empat puluh peratus kawasan liputan ditempatkan dari bahagian atas pada panel hadapan; dan
 - (iii) dengan enam puluh peratus kawasan liputan ditempatkan dari bahagian atas pada panel belakang; dan
- (b) pada setiap unit karton rokok yang dibekalkan atau ditawarkan untuk dibekalkan semasa apa-apa perdagangan atau perniagaan—
- (i) dengan mana-mana set teks dan imej sebagaimana yang ditetapkan dalam Jadual Keenam;
 - (ii) dengan empat puluh peratus kawasan liputan ditempatkan dari bahagian sisi pada panel atas; dan
 - (iii) dengan enam puluh peratus kawasan liputan ditempatkan dari bahagian sisi pada panel bawah.

(2) Bagi maksud subperaturan (1)—

- (a) resolusi bagi semua imej pada bungkusan rokok hendaklah tidak kurang daripada 300 dpi (“dpi” atau “titik per inci” ertiinya darjah resolusi imej cetakan yang dihasilkan mengikut bilangan titik yang dicetak bagi setiap inci garis lurus); dan
- (b) semua teks dan imej hendaklah dicetak menggunakan tidak kurang daripada cetakan 4 warna.

(3) Setiap amaran kesihatan yang ditetapkan dalam Jadual Kelima dan Keenam hendaklah dicetak secara bergilir pada bungkusan setiap jenama dan jenis rokok supaya setiap amaran kesihatan hendaklah muncul setakat mana yang mungkin dalam bilangan yang sama pada bungkusan setiap jenama dan jenis rokok.

(4) Tiap-tiap pengilang dan pengimport rokok hendaklah mengisyiharkan kepada Pengarah, suatu laporan berkenaan dengan kekerapan kemunculan setiap amaran kesihatan pada bungkusan setiap jenama dan jenis rokok yang dikilang atau diimport pada tiap-tiap enam bulan berselang bermula dari tarikh kuat kuasa Peraturan-Peraturan ini.

(5) Mana-mana orang yang melanggar peraturan ini melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi dua tahun atau kedua-duanya.”.

Peraturan baru 15A, 15B dan 15C

5. Peraturan-Peraturan ibu dipinda dengan memasukkan selepas peraturan 15 peraturan yang berikut:

“Maklumat kesihatan, larangan jualan dan butiran lain pada bungkusan rokok

15A. (1) Sebagai tambahan kepada amaran kesihatan yang disebut dalam subperaturan 15(1), maka hendaklah dicetak secara jelas dan mudah kelihatan dalam kedudukan yang ketara pada tiap-tiap paket dan karton rokok maklumat kesihatan, larangan jualan dan butiran lain pada panelnya seperti yang dinyatakan dalam Jadual Ketujuh dan Kelapan.

(2) Bagi maksud subperaturan (1), suatu alamat telegraf atau suatu alamat di pejabat pos tidak boleh digunakan sebagai suatu alamat pengilang atau pengimport.

(3) Mana-mana orang yang melanggar peraturan ini melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi dua tahun atau kedua-duanya.

Jenis, saiz dan warna huruf

15B. (1) Tertakluk pada subperaturan (3), set teks yang disebut dalam subperaturan 15(1) hendaklah dicetak dalam tulisan huruf Arial bersaiz 10 poin untuk setiap unit paket dan bersaiz 26 poin untuk setiap unit karton.

(2) Maklumat kesihatan, larangan jualan dan butiran lain yang disebut dalam subperaturan 15A(1) hendaklah dicetak dalam tulisan huruf Arial bersaiz tidak kurang daripada 8 poin untuk setiap unit paket dan bersaiz tidak kurang daripada 26 poin untuk setiap unit karton.

(3) Perkataan “AMARAN” dan “WARNING” dalam set teks yang disebut oleh subperaturan 15(1) hendaklah dicetak–

(a) dengan huruf tebal tulisan huruf Arial bersaiz 12 poin untuk setiap unit paket dan bersaiz 28 poin untuk setiap unit karton; dan

(b) dalam warna kuning pada latar belakang warna *Matt Black*.

(4) Tertakluk kepada subperaturan (3), warna untuk semua huruf dalam set teks yang disebut dalam subperaturan 15(1) hendaklah dicetak dalam warna putih tulen pada latar belakang warna *Matt Black*.

(5) Warna semua huruf bagi maklumat kesihatan, larangan jualan dan butiran lain yang disebut dalam subperaturan 15A(1) hendaklah dicetak dalam suatu warna yang paling mudah kelihatan terhadap latar belakang warna paket atau karton rokok.

(6) Mana-mana orang yang melanggar peraturan ini melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi dua tahun atau kedua-duanya.

Amaran dan maklumat kesihatan tidaklah boleh dihalang, dsb.

15C. (1) Jika amaran kesihatan atau maklumat lain yang dikehendaki dicetak di bawah Peraturan-Peraturan ini berkemungkinan dihalang daripada penglihatan atau dikaburi oleh suatu bungkusan luaran yang mengandungi paket atau karton rokok selain pembungkus plastik lutsinar, amaran kesihatan atau maklumat lain itu, mengikut mana-mana yang berkenaan, hendaklah dicetak pada bungkusan luar.

(2) Bagi maksud subperaturan (1), saiz dan kedudukan amaran kesihatan atau maklumat lain, mengikut mana-mana yang berkenaan, yang dikehendaki dicetak pada bungkusan luar hendaklah tertakluk kepada apa-apa syarat yang boleh dikenakan oleh Pengarah.

(3) Jika rokok dipamerkan, atau ditawarkan untuk jualan, amaran kesihatan yang disebut dalam subperaturan 15(1) tidak boleh dihalang daripada penglihatan atau dikaburi oleh apa-apa alat atau apa-apa cara.

(4) Mana-mana orang yang melanggar peruntukan peraturan ini melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi dua tahun atau kedua-duanya.”.

Peraturan baru 16A

6. Peraturan-Peraturan ibu dipinda dengan memasukkan selepas peraturan 16 peraturan berikut:

“Perkara yang dilarang pada bungkusan atau label hasil tembakau

16A. (1) Tiada bungkusan atau label hasil tembakau boleh mengandungi maklumat yang palsu, mengelirukan atau memperdaya atau berkemungkinan atau berniat mewujudkan suatu tanggapan yang salah atau palsu berkenaan ciri-ciri, kesan kesihatan, bahaya lain atau emisi hasil tembakau.

(2) Bagi maksud subperaturan (1), larangan termasuk, tetapi tidak terhad kepada penggunaan apa-apa istilah, perkataan atau perihalan seperti “light”, “ultra light”, “mild”, “cool”, “extra”, “low tar”, “special”, “full flavour”, “premium”, “rich”, “famous”, “slim”, “gred A” atau apa-apa istilah, perkataan atau perihalan atau perkataan lain yang sama erti dengannya yang secara langsung atau tidak langsung mewujudkan tanggapan yang salah atau palsu bahawa sesuatu hasil tembakau itu adalah kurang berbahaya daripada suatu hasil tembakau yang lain.

(3) Mana-mana orang yang melanggar peraturan ini melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi dua tahun atau kedua-duanya.”.

Peraturan baru 21A

7. Peraturan-Peraturan ibu dipinda dengan memasukkan selepas peraturan 21 peraturan yang berikut:

“Standard emisi bagi rokok

21A. (1) Tiada seorang pun boleh mengilang, mengimport, menjual atau menawarkan untuk jualan rokok yang mengandungi nikotina atau emisi tar yang melebihi paras maksimum yang dibenarkan.

(2) Bagi maksud subperaturan (1), paras maksimum yang dibenarkan bagi nikotina ialah 1.5 mg bagi sebatang rokok dan paras maksimum yang dibenarkan bagi tar ialah 20 mg bagi sebatang rokok.

(3) Mana-mana orang yang melanggar peraturan ini melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi dua tahun atau kedua-duanya.”.

Jadual baru Kelima, Keenam, Ketujuh dan Kelapan

8. Peraturan-Peraturan ibu dipinda dengan memasukkan selepas Jadual Keempat Jadual-Jadual yang berikut:

JADUAL KELIMA

[Perenggan 15(1)(a)]


AKTA MAKANAN 1983

PERATURAN-PERATURAN KAWALAN HASIL TEMBAKAU 2004

AMARAN KESIHATAN PADA PAKET ROKOK

AMARAN KESIHATAN 1

PANEL HADAPAN



Rokok Penyebab Kanser Leher

JENAMA

PANEL BELAKANG




Cigarette Causes Neck Cancer
Infoline : 03-8883 4400

BRAND

AMARAN KESIHATAN 2


PANEL HADAPAN



Rokok Penyebab Kanser Paru-Paru

JENAMA


PANEL BELAKANG




Cigarette Causes Lung Cancer
Infoline : 03-8883 4400

BRAND

AMARAN KESIHATAN 3



AMARAN KESIHATAN 4



AMARAN KESIHATAN 5

PANEL HADAPAN



PANEL BELAKANG



AMARAN KESIHATAN 6

PANEL HADAPAN




PANEL BELAKANG




JADUAL KEENAM
[Perenggan 15(1)(b)]
AKTA MAKANAN 1983
PERATURAN-PERATURAN KAWALAN HASIL TEMBAKAU 2004
AMARAN KESIHATAN PADA KARTON ROKOK


AMARAN KESIHATAN 1




AMARAN KESIHATAN 2




AMARAN KESIHATAN 3



AMARAN KESIHATAN 4



AMARAN KESIHATAN 5



AMARAN KESIHATAN 6



JADUAL KETUJUH

[Subperaturan 15A(1)]

AKTA MAKANAN 1983

PERATURAN-PERATURAN KAWALAN HASIL TEMBAKAU 2004

PANEL PAKET ROKOK

PANEL KIRI ATAU KANAN	PANEL KIRI ATAU KANAN	PANEL BAWAH
<p>— batang rokok</p> <p>Produk ini mengandungi lebih 4,000 bahan kimia termasuk tar, nikotina dan karbon monoksida yang membahayakan kesihatan</p>	<p>Nama dan alamat Pengilang : / Nama dan alamat Pengimport :</p> <p>Dilarang Jual Kepada Orang Bawah Umur 18 Tahun</p>	<p>Tarikh Dikilang:Hari/Bulan/Tahun</p>

JADUAL KELAPAN

[Subperaturan 15A(1)]

AKTA MAKANAN 1983

PERATURAN-PERATURAN KAWALAN HASIL TEMBAKAU 2004

PANEL KARTON ROKOK

PANEL DEPAN ATAU BELAKANG	Produk ini mengandungi lebih 4,000 bahan kimia termasuk tar, nikotina dan karbon monoksida yang membahayakan kesihatan	<input type="checkbox"/> paket rokok
PANEL DEPAN ATAU BELAKANG	Dilarang Jual Kepada Orang Bawah Umur 18 Tahun	Nama dan alamat Pengilang : / Nama dan alamat Pengimport :
PANEL KIRI ATAU KANAN	Tarikh Dikilang : Hari/Bulan/Tahun	

Dibuat 8 September 2008

[K.K.(s) 280/5/7; PN(PU2) 418/XI]

Dato' Liow Tiong Lai
Menteri Kesihatan